

厦門志

卷七 關賦 卷八 番市

廈門志目錄

卷一

繪圖

廈門圖

仙碑亭圖

萬壽宮圖

朝天宮圖

風神廟圖

朝宗宮圖

玉屏書院圖

紫陽書院圖

御製碑文
御賜匾聯

卷二

分域畧

沿革

形勢

山川

石刻

附

蹟

都圖

街市

墟集

津海

鋪遞

城寨

官署

書院

倉庫

廟

廟

廟

祠廟

坊表

墳墓

義塚

施棺

附

卷三

兵制考

職官裁設 兵額裁設 五營汛防 會哨
操演 班兵 官俸 兵餉 優卹 馬匹
戰船 軍器

卷四

防海畧

歷代建置 汛口 汛地 礮臺 瞭望臺 嶼島 巖
港 海 潮 信 風 信 附 占 礮臺 澎湖 海道 南洋
海道 北洋 海道

卷五

船政畧

設艦額式 泉廠建置 脩造劍限 格船字號 木
例商船 漁船 各色小船 洋船 番船

卷六

臺運畧

竄數 配運 專運

卷七

關賦畧

海關 額稅 關差 稅口 樑頭 船稅
例禁 關稅 科則 戶口 戶賦 鹽課 地稅
船稅 漁課 渡稅

卷八

番市畧

通洋例禁
東南洋
洋錢夾
附考
東洋

西洋

西南洋

卷九

藝文畧

書籍目錄
詩話

疏

咨

論

議

書

記

序

卷十

職官表

兵備道

廈防廳

石滬司

提督

五營將備

卷十一

選舉表

進士
行伍

舉人
特用

貢生
封贈

武科
陰襲

封爵

卷十二

列傳上

宦績

武功

忠義

孝友

卷十三

列傳下

義行

文學

隱逸

流寓

方技

方外

卷十四

列女傳

卷十五

風俗記

卷十六

舊事志

史異 叢談附

廈門志目錄終

附載

周公墓誌銘 公祭周芸皋先生文

廈門志卷七

關賦畧

廈門爲通洋正口故海關設焉而通省關稅又以廈口爲最其地不過五六十里田賦地稅無幾餘惟漁課因首海關附他稅志關賦

海關

廈門海關始於康熙二十二年臺灣旣入版圖靖海侯施琅請設海關二十三年設立狐戶部司官一員權徵閩海關稅務一年一更雍正七年議歸巡撫管理泉州府屬海關稅務巡撫委府道徵收乾隆三年改歸鎮閩將軍轄辦

其隸泉州者在南門外及同安縣之廈門港凡商船越省及徃外洋貿易者出入官司徵稅府志

按泉州府志宋元祐初詔鑄建路於泉州置提舉市船司一員掌蓄貨海船徵權貿易之事以來遠人通遠物仍委逐處知州通判知縣監官同檢視而轉運司總之元設市舶司提舉二員同提舉副提舉各二員知事一員八閩通志云元史延祐元年改入泉州考泉州歷官志大德間已有是員明設市舶提舉司提舉正副各一員吏目各一員初置泉州後徙福州又按東西洋考宋時發舶海上郡國有司臨水送之登泉山刻石記歲月元明因之皆設官後竟廢成宏之際間有乘巨

艦貿易海上者。奸人陰開其利竇。而官不得顯收其利。至嘉靖倭寇之亂。而弊極矣。嘉靖二十六年。有佛郎機船載貨泊浯嶼。漳泉買人往相貿易。巡海道柯喬發兵攻夷船。而販者不止。都御史朱統獲通販九十餘人。斬之。海禁漸肅。隆慶元年。福建巡撫都御史塗澤民請開海禁。販東西二洋。特嚴禁販倭奴者。先發舶在南詔之梅嶺。後以盜賊梗阻。改道海澄。六年。漳郡守羅青霄議徵商稅及賈舶。以海防同知爲政。海澄縣志嘉靖四十二年增設同知鎮撫海澄四十四年。設海澄縣治。嘉靖四十五年。督餉通判王起宗有請設餉館於圭嶼之議。隆慶間。改海防館爲督餉館。萬歷三年。巡撫劉堯誨請稅舶以充兵餉。於是設

商引。由海防官管給。每引徵稅有差。名曰引稅。東西洋每引稅

課三兩。雞籠淡水二兩。後倍之。其徵稅之規。有水餉。以船廣狹為準。餉出于船商。陸

餉。以貨多寡計值。餉出于舖商。加增餉。東洋呂宋用銀錢。商人携歸。于水陸二餉外。加增銀百五

十兩。初定稅額。僅六千兩。歷四年。溢至萬金。二十一年。溢

至二萬九千有奇。當事疑稅餉贏縮。海防同知操縱自

如。申報不實。議倣所在權關向例。歲擇全閩府佐官一

人主之。一年更代。毋專利藪。泉郡兵餉匱乏。漳泉道議

分漳販西洋。泉販東洋。欲于中左所設官抽餉。漳郡守

立言不可。乃罷。會二十七年。大權天下。命宦官高衆入

閩。山海之輸。半搜羅以進內府。而船稅歸內監。委官徵

收矣。四十一年撤高竈減閩稅三分之一。當事悉罷五關雜稅。以本府佐刺五員。歲委一人管理。事大者請本府決之。崇禎末年。海寇鄭芝龍私其利。國朝康熙二

十二年。臺灣平。施琅以爲請。工部侍郎金世鑑奏請照

山東等處之例。

十九年。山東開海禁。

准福建海上貿易。捕魚。設海

關於廈門。五十六年。因愚民私聚呂宋噶喇吧。有盜米

透漏諸弊。嚴禁通市南洋。雍正五年。巡撫高其倬奏。福

建產米不敷。惟開洋一途。貧富商民均有裨益。且可多

帶外國米糧而歸。而南洋之市復開。餉稅日見充盈焉。

額稅

閩海關額稅六萬六千五百四十九兩五錢四分六釐銅
觔水脚銀七千兩共七萬三千五百四十九兩有奇

嘉慶四年

欽定盈餘數目閩海關一十一萬三千兩

向來比較上三屆徵收最多年分不敷着賠以致司權各
員藉端苛歛而賠項徒有名無實是年定額之後短少賠
補或有多餘儘收儘解又查雍正三年定額閩海關盈餘
亦十一萬三千兩連正額共十八萬六千五百四十九兩
有奇以上
戶部則例

廈關年徵稅銀十萬五千兩有奇

關冊

按閩海關錢糧廈口居其過半年徵稅銀十萬五千餘
兩正額盈餘歸通關核算其起解錢糧兩月一次每次
二萬餘兩不等向由關自雇民夫扛運因沿途失事乾

隆十八年將軍咨商督撫照漳州柑葉例沿站給發夫價派兵護送。

關差

康熙二十三年題准福建廣東二省設滿漢海稅監督各一人筆帖式各一人。

康熙二十八年奉諭捕魚蝦小船及民間日用之物金餉口貿易悉免其較稅嗣後海關著各差一人。

雍正七年歸福建巡撫管理。

乾隆五十三年福建海關稅務著將軍管理。以上會典直省關差

自歸將軍後派旗員一名總管稅務督率役哨家丁二

名一與委員商辦關務彈兌錢糧。一專司外櫃徵收出水。又查河司弁六名。各小口圖記司弁十名。值年經制書吏一名。專司錢糧。副書八名。輪管船房桂。頭役三名。承催日稅及八字號。挂號巡役八名。本口二名。外口六名。每日核算登記。查河巡役七十二名。分派各口。隨全。哨役十名。哨丁八十六名。按月輪換各口。遞送文稟。看水支更。

稅口

廈關正口所轄青單口岸三。曰廈門港。古浪嶼。排頭門。錢糧口岸二。曰劉五店。石碼。稽查口岸四。曰浦頭。玉洲。澳頭。石碼。檣冊

廈門正口在島美路頭。稱太館。面臨海。南通大擔。西達漳
州。北至同安。房屋十餘間。離衙署六里。其衙署在塔仔
街張厝保。卽前監營所居也。房屋三十餘間。自歸將軍
管理。委員一人住正口。總辦四小口。就近稽查。小事稟
委員主裁。大事由委員請示將軍。凡外洋渡臺南北商
船出入。到關請驗。米粟書籍免稅。餘皆照則例徵收。其
外來洋船。委員親臨封倉。按貨課稅。商船則遣人丈量
淺深。計算乘算。分別徵餉。自本地出者。挑赴正口大關
報稅。給青單放行。謂之出水。

廈門港小口。設海沙坡。離正口二里。派書役查驗。海船進

港。先赴驗明。放行正口徵稅。稽查金門烈嶼安海浯嶼。島美各渡貨物。

鼓浪嶼小口。設鼓浪嶼後內厝灣。離正口水路十里。與嵩嶼亦隔水。對面水陸皆通漳州。設館一所。漿船一隻。輪派書役稽查石碼海澄及漳屬各小船貨物。

排頭門小口。設廈門西北牛家村。離正口水路二十里。與廈門港鼓浪嶼二小口相爲犄角。分派書役稽查同安內安海頭鼎尾各渡貨物。以上三口。均驗明給單。押赴正口徵稅。

石碼小口。設龍溪縣屬石碼街。距正口水程百里。查驗龍